


陳氏家集



石田集一之三
溪山集一之五

三

漢書門			
三	八	六	一
一	九	八	一
七	冊	架	函
冊	架	函	號
類			

庫文閣內	
三	三
七	八
冊	七
二	一
冊	號
架	類

內閣文庫	
番號	漢 3861
冊數	7(3)
函號	317 185

共七



翰林院中書舍人石田

公傳

郡誌載文花縣誌有傳

公諱登字思孝其先世具江山令傳中

文皇帝甲申歲簡天下精六書者侍金馬門分
次入直而公以薦舉入翰林蓋異選云先時吳

中滕用享為翰林待詔工篆籀視天下渺可者

且春秋高輕忽後進每語侵人廣坐中公初至

謹默謙下用享易之輒折屈如弟子一日文淵

閣六卿大臣皆在傍聞不可忍公恬然進曰登

幸辱在此親教益于愚陋願有質遂摘用享語

家傳

石田

之戾許慎者十數事相辨難公道許氏說媿媿
皆用享素所忽者乃始默而斂鋒鏑不復自矜
大公聲譽遂起時四明王尹實篆書擅名海內
其考據精博亦不及公云公精詳考究志篤力
勤凡周秦以來二十年間其石刻幸存而委棄
山顛水涯荒蕪瓦礫之墟者皆深求而必得之
雖殘缺剥落歲月氏名無復可考然度其某代
姓名其收蓄之富蓋歐陽文忠趙明誠之後所
僅見也公初舉才學爲湖廣羅田縣丞數月改
浙江蘭谿縣丞月餘又改江西浮梁縣丞所至
有政聲至是擢中書舍人

朝廷大制作題扁率出其手而四方求者無虛
日滿十載告歸歸又四年還京逾兩月疾作遂
卒年六十有七子同父以孫景隆御史封如其
官

同文

石田集卷之一

翰林院中書舍人陳登著

五言排律

賜元夕觀燈二首

元宵逢令節淑氣藹蓬萊
黼宸臨雙闕鼇山接
上台燈從今夜放恩共
早春來錦樹千枝發銀
花萬斛開風光先帝里
月色滿仙臺樂奏羣真
下筵開百辟陪清歌齊
宛轉妙舞共低回異果
分瑤席流霞進玉杯祥
烟香氣度曉箭漏聲催

幸際昇平樂陳詩愧菲才
鼇聳三神秀巍巍鳳閣前
四時調玉燭萬斛吐金蓮
寶樹祥光焰璇穹璧月圓
九重臨黼宸百辟侍瓊筵
桃熟來王母雲開擁列仙
宸章飛琰翰大樂奏鈞天
瑞氣浮雙觀歡聲動八埏
戲呈農社樂詩頌帝京篇
願效封人祝皇圖億萬年
端午閱武東苑賜觀擊毬射柳

令節逢端午乘時閱武功
鸞輿自天下虎旅出城東
金甲鳴朝日霓旌拂曉風
擊毬分耦進射柳疊雙同
歡沸迴旋處神歸決勝中
小臣榮侍從叨沐聖恩隆

應制賦白象

聖主臨天位仁恩被八荒
明時呈異質瑞氣感瑤光
貢獻辭炎服梯航入帝鄉
色聯螭陛瑩清比玉麟祥
漢室誇丹鳳周家詫白狼
方今昭至德遠物自來王
願效封人祝華夷永樂康

題戴思善玉融畫錦卷

宦遊驚歲序歸思念松楸
車轍從南北萍蹤任

去畱別來三晉月夢斷九疑秋報國忠貞在還
家寵渥優春風吳苑騎夜月浙河舟明到雙旌
下鄉人羨晝遊

送鄞縣丞李善報政復任

百里稱賢佐三季報政成循良今漢吏形勝古
鄞城禹竇行春早松亭得句清南宮書課最北
關沐恩榮供帳都門曙揚帆浙水晴毋令飛旆
晚竹馬已郊迎

題鄒士忠風木卷

古詩附

作亭面黃山日夕嘆風樹淒淒霜露懷蓼莪哀
永慕傷哉皋魚心慨惜吾丘語予亦永感人披
圖淚如注

七言古體

送碭山學博陳有德之官

排律附

長安道上忽相逢傾蓋論交意氣濃却笑鄉音
猶俗習更疑支派本吾宗晨搖玉佩趨雙闕夕
奉綸音出九重羨子黌宮鳴教鐸愧予翰苑繫
萍蹤日邊朋舊期投轄館下諸生待扣鐘別後

相思隔雲樹好憑飛雁寄情踪
送胡宗器歸水西旗峰省親
君家舊隱旗峰墅幾季載筆遊烏府從事才華
羨獨賢上計西游謁明主楓陛承恩掌水衡金
門藉藉著賢聲寸心莫報三春日片念空懸千
里情白雲望斷親闈阻飛夢時時到鄉土尺疏
趨朝瀝膽肝九重詔許傳天語長安道上柳條
新送爾寧親值早春却笑予身歸未得臨岐徒
爾羨歸人

王炳求篆陸龜蒙詩贈雲翁因題其後
紫芝山下有雲翁戒行精專禪理通自築一室
居其中誰爲此詩陸龜蒙晦之求詩寄情棕玉
堂仙吏篆豈工

江上漁者

夫能撒網妻插櫓不事蠶桑種禾黍黃蘆洲畔
柳灘頭生事惟憑一葉舟男兒拾薪女炊爨墟
頭酒熟魚堪換醉後從教灘上眠飢來復覓蘆
中飯綠簑青箬慣風濤鼓柁乘流豈憚勞數聲

長嘯青天暮一曲滄浪山月高

石田集卷之一終

石田集卷之二

翰林院中書舍人陳登著

五言近體

送陳教諭廷傑還湖口

湓江敷教雨京國重吹噓共載詞林筆新成大典書賜金分內帑置酒駐行車惆悵都門別那堪迫歲除

送時時可考績還靜海

愛爾吾宗秀榮觀上國賓一官仍列宿百里總

不日集 卷之二
陽春報政朝京國歸舟汎浙津勗哉勤撫字宵
旰念斯民
銅章懸墨綬作縣古瀛州遠道隔千里遙懷長
九秋承恩還舊治惜別駐行舟卓魯稱循吏知
君實與儔

題浙津歸權卷

鄉園何契濶客路重綢繆暑雨三橋月涼風孤
館秋離筵燕市酒歸權浙津舟明到睢陽郡題
詩慰別愁

送朱文崗還朔州

都門秋欲盡雨雪已霏霏顧我同爲客怜君未
授衣計程還朔漠歸思繞庭闈別去重回首長
空一雁飛

寄二甥白鳳

不見吾甥久相思欲斷腸龍龕曾聽雨雁塔憶
開觴白水心常在青氈業豈荒他季看宅相不
獨魏元陽
送許道原攜弟柩歸葬并還家展墓

鄴北往來久湖南歸計遲江波秋浩蕩關樹晚
叅差旅櫬清霜早親坐宿草衰離心隨斷雁應
在楚天涯

七言近體

應制賦白鹿

中林白鹿性馴良瑞獻天朝入貢鄉岐角稜層
森玉樹素毫皎潔炫秋霜早朝似叶雲龍會午
夜還同月兔光信是羣生沾德化小臣拜舞樂
時康

送林福崇還上清

笑攜綠綺出京華咫尺鈞天夢已賒曾見蓬萊
變滄海又尋龍虎問丹砂仙人倚杖開瓊館童
子候門迎羽車二十四巖多勝槩春來賸種碧
桃花

送高廷禮應薦之京

首石峰南祖帳開山花堤柳送離杯百壺酒盡
青驪遠五綉風來彩鷁催楚國舊傳徐穉隱漢
廷今重賈生才新詩不待函題寄乘輿同吟到

石田集 卷之二
鳳臺

題施太守瓊林萬玉

羨爾幽軒萬玉林黃堂多暇坐來深雲移翠影
當飛幔風落殘香上素琴勁節不隨凡木改虛
心寧受一塵侵遙知露冕行春後日對清陰共
嘯吟

送楊僉憲復職山東

龍河芳草正萋萋酒盡東門惜解攜玉珮喜看
馳北關繡衣又見入東齊郵亭淡月嘶征馬候

館踈星聽早雞若到霜臺勞問俗要將清白繼

關西

送高令之常山

青宮侍從沐恩波白下分攜奈別何銅墨忽承
天上詔驪駒忍聽酒邊歌秦淮雲盡雙鳧遠淞
水風輕一棹過莫道牛刀仍小試金門有日待
鳴珂

題朔州僧湛然一錫卷

橫空何處一枝藤曾是龍沙契上乘四海茫茫

那有極五雲歷歷必須登依時入定身同幻住
世隨緣面剖冰却憶少林蘆折後不將文字續
傳燈

送葉大尹之鹽亭

曾共瓊林醉綺筵都門別後幾經季乍鳴玉珮
朝雙闕又領銅章入四川棧道雲深單騎遠錦
江風靜片帆懸琴堂政簡應多暇好寫相思寄
日邊

送林遵性之真定

芹邊聽雨更聯詩野寺尋春若赴期悵別每驚
雙鬢改承恩不道一官卑潮生瓜步孤帆冷霜
滿邗溝疋馬遲聞道民淳公事簡好題飛札慰
相思

送陶仲鈞還長樂

文園多病嘆相如粟里何人問索居長樂稻田
餘舊業毗陵瓜地復新鋤看花況是春風後歸
棹偏逢夜月初何事都門又成別臨歧無語獨
蹠蹠

送林邦楚秀才以書成還吳航予將北上
鳳臺臘盡曉霜微芳草新季染客衣我逐離聲
隨北上君將行色賦東歸吳門斗酒聞鶯醉嚴
瀨孤帆背雁飛若到閩中誇盛事相逢休道故
人稀

予往丞羅田善中南歸賦此以別

薰風連袂入京華雙闕朝回日未斜愧我無成
猶作縣羨君得意更還家蘭溪梨嶺閩關近漢
水巴陵道里賒朝日江東門外路不堪回首望

天涯

贈張大尹季倫與水利

陳令津頭擊壤歌張侯疏淪更如何共傳樂土
良田好總被長林利澤多惠愛已無鄰壑病豐
穰應有滿車禾白渠名棣行堪比紀績蒼崖看
勒磨

別陳大尹惟康

琳館相逢若故知那知今日又相離喜同閔閔
有媯系共許冰霜晚節期野寺雪晴爭竝轡琴

堂公暇卽聯詩湘江自是多來雁醉寄音書莫
任遲

題蘭溪鄭仲循廬隱卷

東郭高人結草廬不嫌紛雜市廛居宅邊種得
先生柳戶外時迴長者車半榻琴樽聊爾爾一
庭風月自如如日來曉起渾無事課得兒孫讀
舊書

夢徐道行

廿八人中最白睂相逢無恨識君遲虛心猶抱
霜臺節直道因懷國士知東角趨朝同獻納西
清退食自委蛇季來不道交遊少爾獨頻頻入
夢思

哭內

千里書來秋葉乾開緘無那泪汎瀾豈期異夢
成炊臼空嘆勞生若轉丸琴裏斷絃悲別鶴鏡
中對影憶迴鸞鳳凰山下親墳側終擬歸魂向
爾安
十載辛勤伴客鄉那知生死却殊方堪怜弱女

能扶柩尚賴良朋爲護喪魂返故山渾渺渺夢
隨浙水竟茫茫天涯回首腸應斷淚洒西風有
幾行

石田集卷之二終

石田集卷之三

翰林院中書舍人陳登著

五言絕句

山居

結屋青山裏長歌樂考槃身無簪組繫心與白

雲安

市居

幽棲雜市廛非競錐刀利緬彼毛薛徒養晦邨

鄆市

石田集 卷三

僧居

譯經翻貝葉說法坐蒲團伏虎降龍易明心見性難

隱居

龐君居鹿門鄭子耕谷口西山蕨正肥此樂君知否

閒居

曲肱看歸雲倚杖觀流水澹然忘世紛安居在知止

貧居

蕭條陋巷中寂寞衡茅裏簞瓢樂有餘富貴非吾意

溪居

綠水映柴門青山繞環堵機心久已忘白鷗是吾侶

村居

村深車馬稀地沃桑麻綠鄰父時見過瓦盆酒堪漉

客居

星霜兩鬢皤迢遞關河阻孤館動歸思芭蕉滴

秋雨

舟居

生涯一葉舟五湖烟水濶扣舷歌滄浪波光漾

秋月

戌居

長驅桑乾源破敵飛狐口萬里烟塵清明月擊

刁斗

閨居

欲妝臨鏡慵畏見朱顏老無言下瑤堦所思在

遠道

題編修歐陽謙滄浪鼓柁圖

鼓柁向滄浪鬢絲颺寒雪誰其知此心江風與

山月

送呂城壩官還舊治

秦淮臨別處月落早潮平離思如潮水相隨到

呂城

寄二弟

長樂閩關外齊安荆楚中遙知別來意惟爾與

吾同

六言絕句

遣興二首

半生諸事麤遣一枕五更穩眠茅屋石田逋客

玉堂金馬神仙

三縣曾膺民社九重日近天顏玉署空餘歸夢

石田未遂投閒

七言絕句

送堂中書送行卷

金風吹樹作秋聲高掛蒲帆五兩輕無限離情

若流水相隨直到鳳凰城

八月飄風泛客槎定知幾日到京華朝回故舊

如相問莫說松廳事若麻

題黃典藉東州野堂圖

東州州上野堂幽卷幔壺山翠欲流京國到來

鄉思遠白雲黃葉夢中秋

題江雲渭樹送林友還韻

大典書成重賜金，勞勞亭下惜分襟。那知千尺
儲潭水，日夜相思是此心。

題孟端所贈朱文瑞墨竹

每憶南墻玉萬竿，季來猶喜報平安。故人寫贈
非無意，要歷冰霜奈歲寒。

題樊可久滄浪秋興卷

一櫂清風一葉秋，季來機事寄沙鷗。滄浪歌罷
商聲滿，浩浩長江天際流。

寄前山陳孔階

楚天飄雨蒲孤舟，多少離情憶舊遊。羨爾前山
山下路，閒雲野鶴共悠悠。

每憶相邀共嘯吟，白雲生處老松陰。寧知別後
相思意，漢水東流日夜深。

東梁公海

野服逍遙不着冠，日長無那酒杯乾。綠陰滿地
蜂衙後，喚得鶯雛近藥欄。

送陳繼初赴京

石田集 卷三 五
憶陪大阮竹林遊興入西湖上小舟今日白門
分手處隨君清夢滿滄洲

陳希道精篆隸諸法別後雅欲觀其筆意

東却寄

李蔡鍾王夏不羣顛張醉素向來聞何因一睹

淋漓墨日斷龍江日暮雲

寄栢山藏主雲芳

上人何事太清癯不學長沙飽食魚每憶西庵
風雨夕焚香跌坐說文殊

寄靈峰無垢上人

坐公說法闡師宗色相從前隔幾重遙想龍龕
纔出定又還飛錫下靈峰

送晦堂禪師還栢山

龍河花下送師歸吳楚千峰一錫飛到日親朋
如借問鄉心迢遞宦情微

題林洞虛碧蘿猿洞處

九峰溪上鬱嵯峨洞口陰陰長薜蘿聞道仙成
猿亦去石床丹竈碧苔多

送龍巖道人還長樂祭祖

空外瑤笙鶴上身忽逢霜露也悲辛相看多少
烟霞侶歸問松楸有幾人

送林文進還長樂侍親

西遊離思獨依依每憶椿萱歲月違盡道長安
天咫尺幾人乞得此身歸

送池景大之淳安訓導

酒盡都門惜解攜客中送客意淒淒明朝疋馬
嚴陵道無那青山扯宇啼

送戴長善之官兩淮

秦淮春水漾晴波上客仙舟悵別何明到蕪城
看柳色青青爭似別情多

送林遵性之真定

幾度季來別故園那堪白下對離尊雁聲今夜
秦淮月不是離人亦斷魂

竹枝詞

別郎春盡似經年暗擲金釵當卜錢分明說在
吳江上知是江頭若箇船

石山集 卷三
送郎上馬挽郎衣細問郎行幾日歸莫使妾身
長寂寞朝朝盼望到斜暉
春風是妾別郎時何事春歸郎未知但願阿郎
長健在任郎歸早與歸遲
許妾春歸今已秋果因何事久牽留縱然忘却
別時語不道高堂雪滿頭

示二弟

一畝荒園半種柑更鋤柑下盡栽藍須知日涉
方成趣才道踈狂便不堪

聞中書舍人之命

十季身事任蹉跎共笑馮唐鬢已皤忽報除書
自天下鳳凰池上沐恩波

答王文若

南游吳楚北幽燕宦況優游十六季欲問近來
何事業興時揮翰倦時眠

別故山

廿載西山老薜蘿考盤時誦碩人歌那知一旦
天書下鶴怨猿驚待爾何

揚州舟中懷鄭別駕

繁華自古說揚州別駕風流學更優
空有黃金高北斗春光不駐少季遊

送謝秀才南歸

雪霽秦淮野水生客中無奈別同聲
離心也似雲邊雁隨爾南歸向粵城

送游羽士還水南玄妙觀

綠章封事遠箋天領得真符下日邊
雙鳥又還閩嶠去珮聲先到九峰前

題李序班望雲卷

分掌朝儀肅帝京親幃何日省雞鳴
白雲望斷情無極飛夢時時到宛平

石田集卷之三終

公諱航字思濟為江山尹仲進公之次子中書
 舍人登公之仲弟贈御史力行公之父御史維
 裕公郡博養德公之祖南京國子監丞宗謨公
 之曾祖也公天性倜儻家無擔石而割田以奉
 宗祠尤精于琴棋詩歌所著有溪山集十卷永
 樂庚子赴金陵訪仲父贊善仲完公子官舍名
 動詞林各題詩卷為贈中有伯氏才名世已聞
 惠連揮灑更無群之句歸來益肆力詩學構亭
 以名之

溪山公傳

公諱航字思濟為江山尹仲進公之次子中書
 舍人登公之仲弟贈御史力行公之父御史維
 裕公郡博養德公之祖南京國子監丞宗謨公
 之曾祖也公天性倜儻家無擔石而割田以奉
 宗祠尤精于琴棋詩歌所著有溪山集十卷永
 樂庚子赴金陵訪仲父贊善仲完公子官舍名
 動詞林各題詩卷為贈中有伯氏才名世已聞
 惠連揮灑更無群之句歸來益肆力詩學構亭

家傳

溪山

曰方舟翰林修撰彭汝器爲之賦平生交遊盡
當世名人如內翰王恭高棟御史劉恒哲進士
王錫皆爲密友翰林王褒送公歸閩序曰父子
聯芳兄弟競爽其在閩粵之南乎亦可謂一時
之盛稱矣

溪山集卷之一

溪山愚叟陳航著

五言古體

讀諸葛武侯傳

孔明天下士風懷王霸略方其南陽時自比管
與樂時人未見許屈已事耕鑿巍巍山中喬憤
憤求民瘼傾蓋草廬中風雲沛然作快準翔秋
旻巨魚縱大壑感激遂馳驅艱難爰窅度破魏
若摧枯收岷如振落先鼎雖未還六尺已先托